

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
12.01.2021թ. կայացված ԱՖ441376 որոշումն անփոփոխ, իսկ վարչական բողոքն առանց
բավարարման թողնելու մասին

<< 29 >> 01 2021թ. 7-13- 934

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Գարիկ Պետրոսյանի ՀՀ վարչապետի աշխատակազմ հասցեագրված ՄԴ/2523-21
դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Սյունիքի մարզի Գորիս քաղաքի Գալստյան փողոցի 54-րդ տան բնակիչ Գարիկ
Պետրոսյանը ՀՀ վարչապետի աշխատակազմ հասցեագրված դիմումով խնդրել է բեկանել
Ճանապարհային ոստիկանության վարչական իրավախախտման վերաբերյալ գործով
12.01.2021թ. կայացված ԱՖ441376 որոշումը՝ նշելով, որ պատերազմական վիճակից ելնելով չի
կարողացել կնքել ԱՊՊԱ պայմանագիր: Հեռախոսակապի միջոցով հայտնել է, որ կայացված
վարչական իրավախախտման իրավաչափության վերաբերյալ բողոք չունի, միաժամանակ
խնդրել է հնարավորության դեպքում ազատել իրեն վարչական իրավախախտման վերաբերյալ
գործով նշանակված գումարի վճարումից, գումարի բացակայության պատճառով:

ՀՀ վարչապետի աշխատակազմի կողմից դիմումի քննարկումը հանձնարարվել է
Ճանապարհային ոստիկանությանը:

Դիմումի քննարկման արդյունքում պարզվել է, որ Ճանապարհային ոստիկանության
վարչական իրավախախտման վերաբերյալ գործով 12.01.2021թ. կայացված ԱՖ441376 որոշումը
ենթակա է կատարման հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝
վարչական իրավախախտում (զանցանք) է համարվում պետական կամ հասարակական կարգի,
սեփականության, քաղաքացիների իրավունքների եւ ազատությունների, կառավարման
սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ)
այնպիսի գործողությունը կամ անգործությունը, որի համար օրենսդրությամբ նախատեսված է
վարչական պատասխանատվություն, հետևաբար ակնհայտ է, որ անկախ անձի կողմից մեղքի
ձևի դրսևորումից (իրավախախտում թույլ տվող անձը) Վարչական իրավախախտումների
վերաբերյալ ՀՀ օրենսգրքի համապատասխան հոդվածի դիսպոզիցիայով նկարագրված արարք
կատարած անձը, պետք է ենթարկվի վարչական պատասխանատվության Վարչական
իրավախախտումների վերաբերյալ ՀՀ օրենսգրքի համապատասխան հոդվածի սանկցիայի
շրջանակներում:

<<Ավտոտրանսպորտային միջոցների օգտագործումից բխող պատասխանատվության
պարտադիր ապահովագրության մասին>> 5-րդ հոդվածի 4-րդ մասի համաձայն՝ յուրաքանչյուր
անձ պետք է մշտապես ունենա սեփականության իրավունքով իրեն պատկանող (ֆինանսական

վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: **Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:**

Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Ուսումնասիրությամբ պարզվել է, որ 12.01.2021թ. ժամը՝ 14:30-ին Գորիս քաղաքի Նարեկացի փողոցում քաղաքացի Գարիկ Պետրոսյանի վարած <<VAZ 21214>> մակնիշի 69NN606 հաշվառման համարանիշի տրանսպորտային միջոցը կանգնեցվել է Ճանապարհային ոստիկանության ՃՊԾ 2-րդ սպայական գումարտակի 4-րդ սպայական վաշտի 2-րդ սպայական դասակի տեսուչներ, ոստիկանության ավագ լեյտենանտ Ա.Ասճատրյանի և կապիտան Ս.Հակոբյանի կողմից: Ստուգումից պարզվել է, որ վարորդը ավտոմոբիլը վարել է առանց գործող ԱՊՊԱ պայմանագիր ունենալու: Վարորդի նկատմամբ կազմվել է վարչական իրավախախտման վերաբերյալ արձանագրություն և Վարչական իրավախախտումների վերաբերյալ ՀՀ օրենսգրքի 129.2-րդ հոդվածի 2-րդ մասի համաձայն, կայացվել է ԱՖ441376 որոշումը՝ վերջինիս 100.000 ՀՀ դրամի չափով տուգանելու մասին:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Գարիկ Պետրոսյանի կողմից ավտոմոբիլն առանց գործող ԱՊՊԱ պայմանագրի վարելու փաստը հայտնաբերվել է ՃՈ էլեկտրոնային ռեսգիստրի միջոցով, որտեղ նշված է եղել, որ <<VAZ 21214>> մակնիշի 69NN606 հաշվառման համարանիշի ավտոմոբիլը չունի գործող ԱՊՊԱ պայմանագիր, ինչի կապակցությամբ կազմվել է համապատասխան արձանագրություն և կայացվել ԱՖ441376 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:


Ինչ վերաբերվում է դիմումատուի խնդրանքին հնարավորության դեպքում ազատել իրեն վարչական իրավախախտման վերաբերյալ գործով նշանակված գումարի վճարումից, գումարի բացակայության պատճառաբանությամբ, ապա ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով, տվյալ պարագայում անձի սոցիալական վիճակով պայմանավորված կատարված վարչական իրավախախտման համար պատասխանատվությունից ազատելու որևէ իրավական ընթացակարգ սահմանված չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 12.01.2021թ. կայացված ԱՖ441376 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Ճանապարհային ոստիկանության ՃՊԾ 2-րդ սպայական գումարտակ և Գարիկ Պետրոսյանին:

Կատարող՝ Է.Հովհաննիսյան
Հեռ.՝ 011-544783



Ե.Կարապետյան